



黃楊集中卷目錄

七言律詩

季父歸自江東喜而有作

春暉堂

秋夜感懷

次韻寄鄭明德

次韻答倪元鎮閔兩見寄

寄開元寺光雪窗長老

宿隱微山房

奉同陳先生別俞元明都司次韻

厚本菴對雪得飄字

病中寫懷

毘陵敬上人留飲瑣翠亭兼簡陶師晉

過常州游塘張祠有感

庚寅留毘陵憶老母病渴憂甚適寄枇杷

至感喜而作

游碧浪湖簡沈高士

訪倪雲林留飲

鞏德新兄弟分居十年仍復共處

病後野人送橘

呈雲林御史二首

席上呈王尚書

簡童鍊師

避寇

對月懷莞軒

次韻莞軒過溥塘莊見寄

次韻答楊文昭

拜隆亭祖墳有感

金園寺別茂上人吳公亮

宿長廣溪

題鄒甥湖山隱居

春草軒對月

奉和丘彥啓追詠祖尚書畫錦坊詩有感

留別姊丈鄒檜堂 白鷗亭

蘭雪齋 寄丁彥誠

贈王宜中 贈馬主簿

送永定寺長老茂公

過翟氏草堂會家叔同飲

訪志學留別

和曲林夢歸鄉中龍山寺

送丁彥誠之通州 次韻老人燈

種杏軒 九日分韻得陽字

次韻答黃敬之 題陽山顧碧溪詩卷

寄曲林 寄趙高士慶上人

旅泊寄上東湖叔 次韻答劉節判

次韻答方節判

次韻答鄧仲圭張則明二首

次韻答淵上人 次韻答二鄭先生二首

次韻答殷公 感懷

別席心齋 秋夜

戊申冬過東湖叔別墅

楊獻可席上戲贈 奉寄東湖叔

歲暮感懷次韻 次韻答吳良才二首

寒食 江村

清明雨 海寧雲友山公見訪

和陸天游春暮感懷

題天游畫 題溪山春霽圖

閒居 且目次周莊簡曲林

次韻楊鍊厓賦鍊歎樓

重賦鍊歎樓 送表姪賀生歸鄉

為沈伯庸賦畊雲軒

次韻曲林聞鶯二首

午日危坐養浩齋喜天游見訪對花小酌

養浩齋雜詠

百合 五月菊

紅葵 黃葵

紅白鳳仙 秋萱

暮春奉寄東湖叔 喜幼子文韉遠歸

過鄆生

七言排律

次韻答趙季文

遣懷奉呈東湖叔

中卷目錄

栖碧先生黃楊集卷中

律詩七言

十五刪
上平

季父歸自江東喜而有作

千里江山一月還。幾多江水幾多山。江聲夜作
雨聲急。山色晝同春色閒。草發菖蒲雲冉冉。花
開杜宇樹班班。莫將行役空惆悵。去覓幽棲屋
數間。

十一真
上平

春暉堂

築得堂成爲奉親。綵衣白髮兩鮮新。及時花發

春長在。獻壽杯深。客過頻。燕子簾櫳初著雨。宜
男庭榭不生塵。韶華一去無顏色。落日東風草
似茵。

七陽
下平

秋夜感懷

年年秋夜愛新涼。此日秋涼欲斷腸。夢覺不嫌
燈似晝。更深猶怯簾如霜。風吹薜荔陰連幄。雨
打芭蕉綠映床。最苦無人具甘旨。豈緣今夜倍
情傷。

四支
上平

次韻寄鄭明德

軒軒意氣孰追隨。未審儲郎敢斷絲。名字已聞
天子召。報書還及野人知。十年湖海關心久。西
漢文章得意爲。鵬鷲秋高雲路濶。漁樵有席更
分誰。

八庚
下平

次韻荅倪元鎮閔雨見寄

十日不見天宇青。城上雲氣如愁生。擬移茆屋
近山住。頗訝漁舟平地行。巫峽漏天常是雨。楚
江沃壤獨宜晴。羲和六龍御白日。借問孰處揚
光晶。

七陽
下平

寄開元寺光雪窓長老

城南寺裏綠陰堂。脩竹千竿夏日涼。佳句每從
韋老賦。妙香都在贊公房。娑羅樹落天花碧。般
若經繙貝葉黃。得意故忘歸路遠。一壺春酒對
斜陽。

一東
上平

宿隱微山房

二月蘭舟泊上宮。春雲不雨玉壇空。苔生白石
班班綠。魚出丹池箇箇紅。對酒燭分花底夜。捲
簾香散竹間風。高寒未覺仙臺遠。只比相逢一

夢中。

十庚
上平

奉同陳先生別俞元明都司次韻

憶昔布衣從此去。今朝却喜莅官來。泉聲不與
清流隔。山色依然畫障開。醉倚斜暉吟慘澹。坐
深虛室意徘徊。宦情羈思渾忘却。要路從教長
碧苔。

二蕭
下平

厚本庵對雪得飄字

庚寅冬覺上人招飲
坐上師儒八人同賦成卷子平為序云

天女裁花散次寥。鮫人剪水織微綃。飛翻竹葉

蕭蕭響。點綴松梢細細飄。詩思已知清到骨。禪
心應許立齊腰。勞生幾度陪清賞。授簡非才愧
續貂。

八庚
下平

病中寫懷

經旬臥病百憂生。欹枕無緣夢寐清。蚤海風塵
何日靜。農田雷雨幾時傾。兒能檢藥知親養。婦
勸加餐慰母情。啄黍鷄肥新釀熟。杖藜徐起看
秋成。

五微
上平

毘陵敬上人留飲瑣翠亭蕪簡陶師晉

翠竹林中暑氣微。山僧延客坐寬衣。黃塵掩冉
踈籬外。蒼雪飄蕭清晝飛。茶竈煙凝松葉潤。齋
厨香熟筍芽肥。幾時重約陶元亮。載酒同來爲
發揮。

五歌
下平

過游塘張祠

在常州

風起荒城客棹過。岸頭祠宇鬱嵯峨。斜陽壓樹
暮雲合。流水遶門秋雨多。此日禱祈神不昧。當
年征伐事如何。漆燈藜冢荆榛遍。還有吳聲子
夜歌。

六麻
下平

庚寅留毘陵憶老母病渴憂甚適寄枇杷
至感喜而作

曉窓燈影綴金花。游子思親夢到家。旅食暫違
憂藥餌。朋來遙及寄枇杷。香分綵袖慙懷橘。甘
入中腸憶奉瓜。拜舞新嘗意何限。北堂萱草綠
無涯。

十一尤
下平

遊碧浪湖簡沈高士

浮玉山邊夕繫舟。菰蒲蕭瑟動新秋。碧天萬里
轉銀漢。明月一輪當柁樓。每愧塵勞成白首。喜

從仙御作清遊。酒杯未落南風起。又掛歸帆託
順流。

八庚
下平

訪倪雲林留飲

軒窓玉潔無塵迹。梧竹風高夏日清。池上綠陰
分野色。花間黃鳥帶春聲。移樽近水延餘醉。寫
畫留人款別情。一出山莊路何限。客衣慈母意
難平。

六麻
下平

鞏德新兄弟分居十年仍復共處

伯仲墳簷古所誇。中原今見鞏生家。十年消息

紫荆林。千古光輝。唐棣華。鴻鴈秋高。歸別浦。鵲
鴿春煥。聚圓沙。然其煮豆。情相切。慙愧何人。掩
戶搥。

七陽

病後野人送橘

野人贈橘甘於蜜。病後攜來恰滿筐。玉液舊同
仙掌露。金苞新熟洞庭霜。題封色映園林晚。飽
食香歸肺腑涼。亟遣兒曹獻慈母。如今小陸鬢
毛蒼。

呈雲林御史

街頭竹馬走童孩。報道烏江御史回。逕掃柴門
迎北望。舫瞻綵鷁向南來。關心未話風塵別。握
手猶爲夢寐猜。一笑浮生事無限。紅妝那惜佐
餘杯。

錦帆拂曉動牙樯。萬里歸心覲省忙。客袂不忘
慈母線。恩袍猶帶御鑪香。忠聞漢使歸蘇武。賢
憶吳歌感孟光。便築高門森棨戟。相期努力報

君王。

七陽

席上呈王尚書

十一真

堯天舜日重經綸。鳳詔先頒柱石臣。賜履又霑
新雨露。征袍那惜舊風塵。梅花別酒江南月。楊
柳官渠輦下春。眼見潢池淪赤子。好將籌策獻
丹宸。

詩思堂呈鍊詞冠冕絕無柔媚之詞故佳

一冬
上平 簡童鍊師

六月六日到城郭。逃暑直入青元宮。舉頭脩竹
蔽赤日。平地碧蓮開晚風。旋調蔗碗漿已凍。爛
飲玉壺冰若空。道人醉我希世物。不用三百輸
青銅。

十三元
上平 避寇 壬辰十月十三日

午夜移家出遠村。西山烽火斷人魂。拏舟謾逐
東流去。洒淚遙瞻北斗尊。綵袖牽携憐幼穉。班
輿扶擁護慈恩。會須兵甲銷農器。滿載春風復
故園。

十二侵
下平 對月懷莞軒

為愛中秋對月吟。孤懷無那憶知心。人間此夕
嗟離合。天上清光自古今。竹葉傾香浮燦爛。桂
花移影轉蕭森。美人望望不相見。愁入銀河萬

里深。

八齊
上平

次韻莞軒過溇塘莊見寄

淡煙墟落景凄迷。有客長吟過遠溪。流水柴門
香稻熟。踈林野寺暮禽啼。草堂自愧非潭北。雲
蓋欣瞻駐灤西。乘興還來定何日。寧辭小摘徧
蔬畦。

八齊
上平

次韻荅楊文昭

一別故人知幾時。相思每誦昔年題。兵戈滿眼
愁無那。風雨連床夢轉迷。遙矚層城堅鍊石。俯

憐荒野困塗泥。興來擬欲操舟去。竚待西郊息
鼓鞞。

十三元
上平

拜隆亭祖墳有感

古木蒼藤覆石垣。春風秋雨自滋繁。根蟠厚地
通山澤。蔓衍餘芳施子孫。墓碣青苔樗櫟道。紙
錢寒食杏花村。祗將純孝求冥漠。誠感終須到
九原。

一東
上平

金園寺別茂上人吳公亮

憶昔相違嘆轉蓬。今朝握手又西東。客程莫恠

輕爲別。尊酒應須晚更同。禪榻晨清楊柳雨。書
帷春暖杏花風。眼明會見承平日。物色分留慰
老翁。

一先
下平

宿長廣溪

長廣溪頭夜泊船。山青水白月娟娟。側身長嘯
興何在。皓首不眠心惘然。鴻鴈北來天未曉。風
塵西去地無邊。何方可覓桃源路。煮石畊雲度
險年。

十一真
上平

題鄒甥維順湖山隱居

結廬何處避風塵。好向吳山楚水濱。門挹湖光
千頃月。窓開山色四時春。耕桑得趣堪爲樂。詩
酒忘情莫厭貧。林筍可饒魚可釣。善調甘旨奉
慈親。

四支
上平

春草軒對月

昔年阿母宴秋期。滿地溶溶月色遲。今夕光輝
徒有淚。一天風露不勝悲。良辰荏苒思無極。瘦
影伶俜舞向誰。夢出桂華窮碧落。聲容彷彿在
瑤池。

七陽
下平

奉和丘彥啓追詠祖尚書建書錦坊詩有感

尚書仗鉞歸來日。里閭榮瞻晝錦光。陵谷變遷移歲月。兒孫追慕見詩章。星沉玉斗垂軋象。履出金鑿軼帝鄉。痛憶故園旌節里。荆榛漠漠草茫茫。

十四寒
上平

留別姊丈鄒檜堂

亂後歸來茅屋底。一枝棲息喜平安。釀成白酒逢時飲。癖愛青山竟日看。向子已酬婚嫁債。陶

翁何羨僕僮歡。我來不肯輕為別。握手惟稱會面難。

五微
上平

白鷗亭

滄波漾漾白鷗飛。波上幽亭與世違。晴雪卷簾清墨沼。春聲泛渚動書幃。海翁玩狎俱忘我。僊客相看共息機。明日來遊分半席。接天秋水澹斜暉。

八庚
下平

蘭雪齋

我羨華陽王給事。襟懷磊落澹無營。閉門著書

白日靜。采蘭漱雪。清風生。謫仙藹藹。春雲語。仲
連悠悠。滄海情。千載何人繼高躅。大茅峯下有
軒楹。

十一
下平

寄丁彥誠

旅食江城春復秋。相思情逐水東流。憐君鑿鑿
多文采。愧我飄零限阻脩。夜雨久懸徐孺榻。春
風長倚仲宣樓。何時共對一樽酒。傾寫經年離
別愁。

一先
下平

贈王宜中

梁溪惜別風塵際。吳會相逢寂寞邊。我有故園
成兔窟。君於何地避狼煙。風流不減顏如玉。潦
倒空餘雪滿顛。一笑江城同是客。梅花綠酒暫
留連。

贈馬主簿

眼明喜識伏波孫。文采風流璧玉温。不取天上麟兒
真異物。人間驥子不同群。春風錦旆留江左。夜
雨班衣隔海垠。不取共覩聖朝求治急。好從年少立
奇勲。

一先
下平

送茂長老

曾向金園留信宿。夜深風雨聽談禪。袈裟又是
經年別。詩句應從到處傳。雙樹林中揚妙梵。兩
華香裏覲諸天。舊來好客還如此。肯借禪房一
醉眠。

四支
上平

過翟氏草堂會家叔同飲

竹林有約去年期。杖屨今朝獲後隨。九疊青山
雲散後。一溪春水雪消時。看花爛醉劉伶酒。傳
燭爭哦杜甫詩。最喜得從文字飲。艷歌妍舞亦

何爲

十一真
上平

訪志學留別

霜晴墟落暖如春。遠岸維舟訪故人。祗爲殷勤
鷄黍約。何煩酬酢酒杯頻。寒瓜剖玉遲留客。香
橘分金共憶親。鄉井不嫌來往數。東風重醉草
堂新。

五歌
上平

和曲林夢歸鄉中龍山寺

十年飄泊避兵戈。故國溪山夢寐多。明秀軒前
乘月去。白龍祠下躡雲過。斷碑剝字埋青蘚。舊

陌荒蹊覆綠蘿。自是仲宣鄉思切。春風一覺一長詞。

六魚
下平

送丁彥誠之通州

淮海初傳薦鶚書。馮唐今日仗吹噓。致身已覺青雲近。照鏡從教白髮餘。三會亭前詩思濶。九龍峯下故人疎。荒城對酒難爲別。潦倒憑誰數起予。

八庚
下平

次韻老人燈

燁燁衣冠勝後生。青藜入市賀升平。掃除白髮

三千丈。透徹丹心一點明。側耳笙歌如有聽。凝眸珠翠獨無情。時人莫道風中燭。南極星辰自有名。

六麻
下平

種杏軒

賣藥從人種杏花。千株萬樹密交加。春風滿座團晴雪。曉日當窓炫綵霞。香葉不沉蘇老井。芳林長繞董仙家。會看采實如山積。德業相承世所誇。

七陽
下平

九日分韻得陽字

西風吹雨作重陽。冠蓋相逢樂故鄉。滿眼溪山
仍舊好。遶園杞菊未全荒。彈琴擊石市聲遠。援
筆賦詩秋興長。不恨無錢恨無酒。對花望斷白
衣郎。

十三元
上平

次韻荅黃敬之

卜隣結屋讓西村。春入柴荆鳥雀喧。高柳遶門
元亮宅。繁桃夾岸武陵源。呼兒且種南山荳。過
客須傾北海尊。叔度不來茅徑塞。新詩吟就共
誰論。

十二文
上平

題陽山顧碧溪詩卷

聞說陽山顧隱君。幽居不與俗人群。靜看舞鶴
步蒼蘚。閒掃落花眠白雲。李愿已甘盤谷趣。稚
圭休擬北山文。一溪春水連天碧。肯着漁樵坐
席分。

全前韻

寄曲林

故人一別兩逾月。坐對草堂遙憶君。老梅稀疎
數點雪。脩竹僂僂千竿雲。每逢風月興未淺。更
愛歲寒心不群。時來春夜共清酌。何愧滎陽鄭

廣文。

十四寒
上平

寄趙高士易窓慶上人雲岡

昨宵風雨釀春寒。曉日開雲路未乾。碁局定須
尋李遠。杖藜還肯過蘇端。緇經丈室留龍卧。點
易虛窓倩鶴看。暫假飛鳧在飛錫。竹林深處罄
交歡。

四支

旅泊寄上東湖叔

孤瀆橋邊蓬底宿。夢魂先到絳紗帷。青雲不負
琴書興。白首偏勞骨肉思。咽咽鼓鼙溪郭暮。蕭

蕭風雨菊花期。明朝杖屨登高會。肯把茱萸寄
一枝。

一先

次韻荅劉節判

每誦新詩喜欲顛。知君只住白雲邊。有時嘯咏
徑尋竹。長日清閒獨愛蓮。薇省衣冠新雨露。蒲
鞭淮海舊風煙。太平氣象今重見。莫負竒才詘
壯年。

一先

次韻荅方節判

避地逢迎東海邊。宦情羈思兩茫然。常懷江上

思尊興。空憶山中種秫田。楊柳官衙春日靜。梧
桐山館暮雲連。杖藜不倦頻來往。好詠丁丁伐
木篇。

次韻荅鄧仲圭張則明

高密侯門奕世賢。相逢吟嘯楚江天。已尋竹所
同移榻。更覓桃源別繫船。夢寐不忘三益友。鄉
關還憶九龍泉。虞山無限相思意。曉日停雲薄
暮煙。

挈居東郭舊斜涇。長憶鄭家池上亭。言笑自忘

頭盡白。交游共喜眼俱青。山城價重文章伯。江
國雲埋處士星。少待秋風吹去棹。細書名字到
雲屏。

次韻荅淵上人

正欲祇園聽講禪。豈知分手各風煙。袈裟契闊
懷支遁。拄杖疎狂愧阮宣。鶴起每聽雲外錫。雪
晴長憶剡中船。雨花臺上繙經罷。好託秋鴻寄
尺箋。

次韻荅二鄭先生

憶昨追隨琴水湄。襟懷那忍遽分離。飛觴促令
尋花急。擊節揚歌愛月遲。一別已驚秋落木。相
期不負夜敲棋。殷勤爲問風流客。乘興還來定
幾時。四支 上平

薰風一別海虞城。夜雨燈窓無限情。棠棣花開
知自樂。陽春曲罷與誰賡。丁公易道從東去。杜
老歸心賦北征。兩地相思不相見。空梁落月幾

迴明。

八庚 下平

七陽 下平

次韻荅殷公

君侍庭闈歸海畔。我携妻子向林塘。潮迴遠浦
波還急。蘭茁深山草亦香。莫訝燕鴻相棄背。已
期鷄黍不能忘。遙憐棣萼光輝處。對舞萊衣上
畫堂。

四支 上平

感懷

苦憶家鄉值亂離。燈前揮淚看宗支。秋風百草
凋零際。夜雨連城戰伐時。殃及池魚徒有恨。痛
憐穴蟻欲何之。吾門積德由來厚。天地休光或
可期。

二東
上平

別席心齋

道人一別幾秋風。天上人間事不同。滄海塵揚
談笑裏。碧桃花發亂離中。羨君到處飛孤鶴。愧
我移家歎轉蓬。安得振衣游汗漫。雲龍相逐任
西東。

七陽
下平

秋夜

澤國秋深夜氣涼。飄零猶自未還鄉。聽砧泣露
梧桐井。絡緯縷風薜荔牆。只尺故園千里夢。亂
離華髮十年霜。仲宣樓上長回首。烽火連山欲

斷腸。

十三元
上平

戊申冬過東湖叔別墅

相尋高隱入荒村。一逕緣溪直到門。茅屋雲深
書榻靜。梅窓春早硯池溫。遲遲別緒留詩卷。穆
穆親情勸酒尊。安得移居傍隣舍。時陪杖屨候
晨昏。

四支
上平

楊獻可表第席上戲贈

江湖飄泊三年別。兩地憂思孰解知。遺愛不忘
瓜衍蔓。急難深惜樹連枝。相逢此日傷心事。莫

語當年得意時。且醉春風一杯酒。寸田當與子孫期。

五微
上平

奉寄東湖叔

飄泊東吳未得歸。竹林佳約又相違。高情不愧黃茆屋。遠夢長尋白板扉。野館梅花傳臘意。江亭柳色待春輝。殷勤欲寄平安字。水闊風高鴈過稀。

十四寒
上平

歲春感懷次韻

憶昔少年春到日。珠歌翠舞競爲歡。燈然絳蠟

搖金帳。菜縷青絲送玉盤。絃管聲中那問夜。綺羅香裏不知寒。自遭喪亂頭如雪。過眼繁華一笑看。

次韻荅吳良才

東風吹水下長溪。送我孤舟到水西。沙鳥銜魚來復去。野翁迎客笑如啼。步深花底歌紗帽。舞隔尊前叫竹鷄。欲往桃源尋舊隱。路迷無處覓芳蹊。

八齊

遊子春來倍憶家。暮雲愁思接天涯。衣冠已喜

移風俗。草木殊驚變。物華溪上故園頻入夢。眼中
中殘雪炫生花。老年不作登樓賦。獨立東風默
嘆嗟。六麻

十三元
七平

寒食

寒食維舟江上村。臨風西望黯銷魂。花將春色
歸流水。雲帶愁心入故園。丘隴不知誰洒掃。藤
蘿應復自滋蕃。衰年却作無家客。不似龐公住
鹿門。

一東
七平

江村

二月東吳春色濃。江鄉渾在畫圖中。桃花流水
村村曲。楊柳人家箇箇同。籬下醉翁紗帽黑。溪
邊遊女茜裙紅。眼中勝槩誰題品。好著狂夫駐
短篷。

十一真
七平

清明雨

鑽榆改火喜從新。風雨何堪斷送春。水漲蒲萄
濃似酒。花飄錦繡亂於塵。題詩謾爾酬佳節。隱
几無聊憶可人。不為異鄉忘舊俗。柳枝隨意插
烏巾。

十五刪
上手

海寧雲友山公見訪

上人心與白雲閒。舟舫隨風出遠山。百里相聞
來問訊。一辭初接遽言還。袈裟飄逸紅塵外。杖
錫遨遊碧海間。何日從容過蘭若。細聽轉語破
癡頑。

十一九
下平

和陸天游春暮感懷

江水淫淫日夜流。江花點點亂鄉愁。傷心白髮
似春夢。滿眼青山非舊遊。三月韶華空對酒。百
年世事獨登樓。不須俛仰懷今古。一曲滄浪發

釣舟。

十四寒
上手

題天游畫

仙翁醉倒金壺汁。信筆塗糊作畫看。泉合松聲
流別澗。雨將雲氣出層巒。移家隱遯懷龐老。攜
妓登臨憶謝安。一笑頓忘塵世事。也須卜築老
江干。

六麻

題溪山春霽圖

雨餘春色浩無涯。點染溪山麗物華。野水碧連
煙外草。石林紅映澗邊花。柳迷深渚漁人市。鶴

傍閒門處士家。老眼不知圖畫裏。便須先占白鷗沙。

十三元
上平閒居

屏迹金溪溪上村。花香竹色藹芳樽。懸知此地非盤谷。何有閒居似鹿門。春雨桑麻新畝畝。秋風松菊老丘園。龐公不是無才思。祇許平安遺子孫。

一東
上平旦日次周莊簡曲林

孤舟飄泊任西東。鳳曆頒新歎轉蓬。投宿遠尋

王給事。醉歌長憶鄭文翁。歲添霜鬢蕭疎白。春入椒花分外紅。邂逅他鄉一杯酒。襟懷却喜舊時同。

十一九
下平次韻楊鍊厓賦鍊歎樓

蕭史吹簫作鳳樓。道人鍊笛與同流。浪遊湖海携紅袖。爭看神仙汎綵舟。五夜徘徊九霄月。一聲清澈萬山秋。子雲自有長楊賦。豈傍東門歌飯牛。

二蕭
下平重賦鍊歎樓

老仙登樓吹鏡笛。野人倚歌吹鏡簫。滄海玉龍吟沉澆。碧雲丹鳳舞飄颻。江湖一曲欣同調。意氣千年不易消。鏡嘯留題出塵表。長令草木起清飈。

十一真
下平

送表姪賀生歸鄉

湖上飛花已暮春。湖邊折柳贈行人。烏迎去棹情何限。燕繞迴樞意轉親。荒徑莫嫌歸去晚。新詩毋惜寄來頻。懸知此夜相思處。月落西窓獨愴神。

八庚
下平

為沈伯庸賦畊雲軒

花間布穀弄新聲。喚起東郊動作情。滿地綠莎泥正軟。一犁膏雨曉初晴。南陽隴上披雲去。莘野原頭帶月行。誰似軒中沈東老。卷簾閒坐看春畊。

次韻曲林聞鶯二首

高枝密葉穩栖身。似避歌童作妬嗔。擲柳穿花聲不斷。移宮換羽訴還真。千般轉舌千般巧。一度調簧一度新。曉皖好音留客醉。流光誰解繫

義輪。

綿蠻啼破海棠春。好夢驚回若肯嗔。只訝小姬歌咽咽。錯教狂客喚真真。當軒對酒聞偏美。怯雨憐風韻更新。憶昔故園花下聽。雕闌初日射

朱輪。

二真

一東 午日危坐養浩齋喜天游見訪對花小酌

江臯連日雨濛濛。已拚佳辰寂寞中。杖屨忽逢佳客至。笑談寧放酒杯空。遶庭萱草叅差碧。一丈葵花爛熳紅。酬酢看君多意氣。獨醒堅坐愧

衰翁。

養浩齋雜詠

八齊

百合

一枝高颭一花垂。百葉如鱗取次齊。玉蕊半含黃鵠味。音畫檀心初折麝香臍。未聞楚客留歌詠。曾見神農列品題。簾幙中間護清馥。肯教零落委塗泥。

七陽

五月菊

幽姿本自傲秋霜。却逐薰風滿徑黃。五月不知

非九月。端陽錯認。是重陽。紛紛似識炎涼態。燁燁終存晚節香。想得淵明多嗜酒。故尋醒客弔沉湘。

七陽

紅葵

柔條高並拂簷長。婉若雙雙彩鳳翔。葉展翠綃常衛足。花舒蜀錦只傾陽。酡顏暈酒耽春醉。丹靨凝脂靚曉妝。不似海榴無態度。絳英顛倒委階傍。

七陽

黃葵

葵花一種異尋常。却向秋林學道裝。香葉疎疎剪鷄距。輕袍燁燁染鵝黃。御風自有神仙態。承露不粘脂粉香。若使姮娥見顏色。也應換去白霓裳。

十二支

紅白鳳仙

飛仙駕鳳動成群。醉舞丹霞躡素雲。露浥鉛華傾玉頰。酒翻血色汗羅裙。不隨桃李爭春艷。却遶階除弄夕曛。爛熳祇教兒女愛。玉纖粧點錦花紋。

秋萱

萱草當秋開又奇。高標簇立對軒墀。亭亭擎露
仙人掌。朶朶翻風金屈卮。壽母最憐怡日永。宜
男不厭著花遲。北堂好護根株在。綵袖相輝碧
玉枝。

暮春奉寄東湖叔

時為郡庠訓導

第二泉邊老布衣。廣文官冷未能歸。白頭自信
無人識。青眼相看過客稀。花塢怕逢春雨急。竹
林長望暮雲飛。懸知絳帳風流在。莫向東風怨

落暉

十仄
上平

喜幼子文鞿遠歸

溪頭杖策散憂懷。遙賦扁舟幼子回。一見正如
天上墜。相看猶作夢中猜。踏翻謝屐身忘老。拜
舞萊衣志若孩。莫話道途辛苦事。且欣恩澤到
枯荄。

十一真
上平

過鄴生

風雨孤舟過故人。別來懷緒轉相親。丹傳秘訣
從誰學。數演流年話我真。夢裏繁華悲宿昔。鏡

中雪色老逡巡。八旬定許躋高壽。祇恐龍鍾甑
滿塵。

排律

七陽
下平

次韻答趙季文

憶從兵燹灑西莊。匍匐携家出遠鄉。佳士每逢
青眼顧。高堂欣覩絳帷張。珠涵碧水淵還媚。玉
韞青山石有光。好與芝蘭同入室。肯隨蒲柳易
凋霜。陶翁願結新蓮社。社老終歸舊草堂。遙矚
雲霞徒悵快。獨吟林屋謾踈狂。莎雞泣露庭前

草。絡緯鳴秋屋外桑。幾度思君看明月。隔溪遙
聽棹相將。

十三覃
下平

遣懷奉呈東湖叔

十載漂流百不堪。歸來耕鑿有何慙。剪除野蔓
開蔬圃。樵斫黃茆結草庵。蕭散林泉元自愛。艱
難稼穡近方諳。芹羹滋味清還美。蔗境生涯老
愈甘。蔣詡門前三徑竹。杜陵堂下百花潭。翩翩
溪鳥晴翻雪。靄靄雲峯翠作嵐。香稻滿田分玉
粒。柔柔遠屋飲冰蠶。洞庭摘取千頭橘。閩粵移

栽三寸柑。愛月沉舟乘逸興。看山扶杖縱幽探。
釀成美酒留人飲。冷得新詩與客談。已喜
皇風清海內。坐看春色徧江南。安貧只願駒藏
谷。樂道遙悲蟻戰酣。一變衣冠新宇宙。祇嫌短
髮不勝簪。

栖碧先生黃楊集卷中

康熙五十三年歲次癸酉閏
十二月高孫汝高補壁



